



Inatsisartunut ilaasortaq
Aqqaluaq B. Egede,
Emailikkut nassiussaq inatsisartut@inatsisartut.gl

§ 37 apeqqummut 2019-008-mut akissut

24-01-2019

Sags nr. 2019 – 720/AN 2019-
706

Asasara Aqqaluaq B. Egede

Inatsisartut suleriaasianni § 37, imm. 1 naapertorlugu Naalakkersuisunut suliffeqarfiit akileraarutaat pillugu apeqquteqarsimavutit. Apeqqutit uannut akisassanngortinneqarsimavoq.

Postboks 1037

3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqqut 1

Nunatsinni suliffeqarfiit tamarmik akileraarutaat assigiinneqalissappata, suliffeqarfiit mikisut angisuullu ataatsimut akileraarutaat 15%-imut inissillugu qanoq nunatta karsianut sunniuteqassava?

Apeqqut 1-imut akissut

Innersuussutigineqarpoq § 37 2018-194 apeqqummut akissut. Tassani Naalakkersuisut ilisimatitsissutigaaq ingerlatseqatigiiffiit akileraarutaat affaannanngortinneqarpat pisortanut, Namminersorlutik Oqartussat kommuunillu ataatsimut, isertitassat annaaneqartussat 130,5 mio. kr.-t aammalu 187,5 mio. kr.-t akornaniissasut.

Ilisimaneqartut aallavittut ingerlatseqatigiiffiit akileraarutaat Namminersorlutik Oqartussat kommuunillu akornanni agguarneqartarput. Taamaattorli ingerlatseqatigiiffiit Namminersorlutik Oqartussanik pigineqartut akileraarutaat taamaallaat nunatta karsianut nakkartarput.

Apeqqut 2

Nunatsinni ingerlatseqatigiiffiit akileraarutaasa appartinnissaat FL2019-imi akuerineqartut ilanngunnagit, suliffeqarfiit nunatsinniittut sinneruttut akileraarutaasa 15%-imut annertussusilerlugu inissinneqarpat qanoq sunniuteqassava?

Apeqqut 2-mut akissut

AI2019-ip nassatarinngilaa ingerlatseqatigiiffiit akileraarutaasa appartinnissaanik akuersineq. AI2019-imulli tunngasumi aningaasanut inatsit pillugu isumaqatigiissummi partiit isumaqatigiissuteqartut erseqqissumik kissaateqarput ingerlatseqatigiiffiit akileraarutaannik appaasinnaaneq sukumiinerusumik misissorneqassasoq.

Naalackersuisut apeqqummi paasinngilaat suliffeqarfiit sinneruttut sorliit apeqquteqartup pinerai.

Apeqqut 3

Naalackersuisut kissaatigaat nunatsinni suliffeqarfiit tamarmik assigiimmik atugassaqartitaanissaat aamma akileraartarnikkut atuutsinneqassasoq?

Apeqqut 3-mut akissut

Naalackersuisunut pingaartuuvoq maani nunami suliffeqarfiit tamarmiusut naapertuuttumik akileraarnissaat qulakkiissallugu. Tamanna namminersortunut mikinerusunut aammalu ingerlatseqatigiiffinnut anginerusunut atuuppoq. Naalackersuisut isumaqarput assigiimmik pineqarneq ima paasineqartariaqanngitsooq kikkut tamarmik assigiimmik pineqarnerannik. Assersuutigalugu inuussutissarsiornermik ingerlatsisut minnerusut ingerlatseqatigiiffinnut anginerusunut piunasaqaatinut malinnittariaqanngitsut. Tamanna tunngaveqarpoq inuussutissarsiornermik ingerlatsisut minnerusut ingerlatseqatigiiffinnit annerusunut naleqqiullugit assigiimmik nukissaqarneq ajormata, taamatullu inuussutissarsiornermik ingerlatsisut minnerusut naatsorsuutaat tamatigut pisariunnginnerusarmata.

Apeqqut 4

Nunatsinni suliffeqarfiit tamavimmik akileraarutaasa appartinneqarnerisigut suliffissanik amerlanerusunik pilersitsisoqarnissaa pitsaanerulissasoq Naalackersuisut isumaqatigaat?

Apeqqut 4-mut akissut

Naalackersuisut isumaqarput akileraartarnermik malittarisassat uummaarissumik, isumatusaartumik, naapertuuttumik aalajaatsumillu atornerisigut, inuiaqatigiinni annertunerusumik paasillugu ajunngitsumik kinguneqartitsisartoq, tassanilu aammattaaq suliffissaqartitsinikkut.

Soorlu aningaasanut inatsimmi 2019-mi takuneqarsinnaasoq, Naalackersuisut ingerlatseqatigiiffinnut akileraaruseriaaseq misissoqqissaarlugu aallartippaat, imminut nammassinnaasumik aningaasaqarneq atasinnaasumik aningaasaqarnikkut ineriartornertalik, kiisalu annerusumik ineriartorneq suliffeqartitsinissarlu siunertarlugu, tassanilu ingerlatseqatigiiffiit akileraarutaannik appartitsinnaanermut isumaliutersuutinik imaqaassalluni.

Apeqqut 5

Nunatsinni suliffeqarfiit tamavimmik akileraarutaasa appartinneqarnerisigut suliffissanik amerlanerusunik pilersitsisoqarnissaa pitsaanerulissasoq Naalackersuisut isumaqatigaat?

Apeqqut 5-imut akissut

Ingerlatseqatigiiffinnut akileraarut appartinneqassagaluarpit pitsaaqutit ajoqutillu Naalackersuisut misissueqqissaarneranni qitiuvoq. Misissueqqissaarneq suli naammassineqanngilaq.

Apeqquut 6

Naalakkersuisut isumaqarpat suliffeqarfiit tamavimmik akileraarutaasa appartinnerisigut suliffissaaleqineq appartinneqarsinnaasoq?

Apeqquut 6-imut akissut

Apeqquut 4-mut akissut innersuunneqarpoq.

Apeqquut 7

Ingerlatseqatigiiffiit akileraarutaasa 2020-mit appartinneqarnissaa aamma suliffissat amerlinissaannik siunertaqartoq Naalakkersuisut uppersarsinnaavaat?

Apeqquut 7-imut akissut

Apeqquut 4-mut akissut innersuussutigineqarpoq.

Apeqquut 8

Suliffeqarfiit imminut pigisut, A/S-itut ingerlatsisut, APS-itut ingerlatsisut allallu tamaasa ilanngullugit ataatsimut akileraarutaat appartinneqassappata tamanut qanoq sunniuteqassava?

Apeqquut 8-mut akissut

Immini imaappoq, akileraartarnermut maleruagassat suliffeqarfinnut aalajangersimasunut qasukkarneqassagaluarpata, suliffeqarfiit taakku nioqqutissaatik akikinnerusumik tuniniarsinnaalissagaluarpaat ullumikkumut naleqqiullugu, imaluunniit aningaasat amerlanerusut aningaasaliinermut atorlugit piginnittunulluunniit agguagassiassatut tunniullugit.

Taamatullu naatsorsutigineqarsinnaavoq Nunatta karsianut akileraarutini isertitat ikinnerulissasut, aningaasaliiffigisariaqassallutik imaluunniit suliniutinik sunniutinillu allanik nalimmassartariaqassallutik, innuttaasup atugarissaarnera appartinneqassanngippat. Aningaasaliinissaq pisariaqartinneqassappat annertunerusumik naatsorsuinerit, apeqquut 4-mut akissummi misissueqqissaarnermi ingerlasumi taaneqartumi ilaapput.

Apeqquut 9

Nunatsinni suliffeqarfiit tamaavissuarmik akileraarutaasa 15%-imut appartinneqassappata pitsaaqutissartai suusinnaanersut Naalakkersuisut erseqqissarsinnaavaat?

Apeqquut 9-mut akissut

Apeqquut 5-imut akissut innersuussutigineqarpoq.

Inussiarnersumik inuulluaqqusillunga


Vittus Qujaukitsoq